

LUTU DIGNIDADE

Dadolin Murak

Maski ó hodi
 arogánsia, podér no dollar
 ami sei harii lutu-metin
 iha tasi-laran lulik ne'e
 ho fatuk dignidade
 ho besi-asu aten-brani
 ho tali-korenti ukun rasik an

Lutu ne'e la'ós de'it
 kona-ba osan dollar
 lutu ne'e mak
 ami nia dignidade
 ne'ebé ó nega kleur

Iha ami lutu laran
 ó supa ona ami riku-soin lubuk
 ó lolo nia restu mai ami
 liman ida naok bidon sanulu
 liman seluk lolo bidon-sorin
 mai ami
 ó hateten ba mundu
 ó justifika ba Kanguru
 dehan ó tulun hela ami
 atu hadia ami moris
 mak laeduni...!

Lutu iha ona
 ó hakarak bobar nafatin ami
 dehan ami kbi'it laek
 atu dada kadoras mai ami kintal
 ó bobar-teen duni, afinal
 futu-lia ho kompañia kanteen sira
 atu hanehan nafatin ami
 entaun, ó ba tuur tiha iha fulan!

Santa Cruz, 10/03/18

